



## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

XXXVI [i. e. XXXVII]. Si regulares ad seculares Ecclesias possint in  
Praelatos assumi.

**urn:nbn:de:hbz:466:1-20006**

Lib. 5. capitu-  
lar c. 155. &  
Addit. III. c.  
30.

poenam, sed rectores Ecclesiarum obtine-  
re vitam & membra, super eo tamen quod  
iniquè fecit est legitimè componendum.  
Et hoc verum, nisi publicus latro fuerit vel  
nocturnus populator agrorum, dum iti-  
nera frequentata & in publica strata obsi-  
det aggressionis insidiis, pro facinoris mag-  
nitudine, cum & communem utilitatem  
impedit & nocere omnibus molitur, ab  
Ecclesia extrahi potest, impunitate non  
præstata, secundum canonicas sanctiones.

Concil. Aure-  
lian. I. c. 3.

Si vero servus fuerit qui confugit ad Ec-  
clesiam, postquam de impunitate sua do-  
minus ejus clericis juramentum præstite-  
rit, ad servitium domini sui redire com-  
pellitur & invitus, alioquin a domino po-  
terit occupari. Tu ergo, fili carissime, cum  
in regno tuo aliquid horum contigerit,  
juxta præmissam distinctionem sic proce-  
dere studeas quod honor Ecclesiarum &  
emunitas servetur illæsa, & malignandi  
facultas pravæ voluntatis hominibus au-  
feratur.

#### TITULUS XXXVI.

Quod monasteria monachorum possint in  
canonicos regulares converti.

*Idem Colocensi Archiepiscopo.*

**C**um nobis, licet immeritis, in apo-  
stolicae sedis specula consistentibus  
sit universarum Ecclesiarum sollicitudo  
commissa, de statu illarum sollicitudinem  
nos convenit gerere diligentem & pro-  
videre atentè ut per fratres & coëpiscopos  
nostros, cum non possimus ubique  
nostram presentiam corporaliter exhibe-  
re, possint in melius reformari. Ex parte si-  
quidem tua nostris est auribus intimatum  
quod cum bona memoria An. anteces-  
tor tuus monasterium sancti Stephani pro-  
tomartyris situm in loco qui dicitur Keu  
concessisset fratribus sancti Abraham de  
valle Ebron, monachis nigri ordinis propo-  
ter dissolutionem suam inde remotis, & il-  
dem fratres sancti Abraham bona ejus di-  
lapidando, & ducendo vitam nimiùm dis-  
solutam, ipsum deduxissent ad nimiam  
paupertatem, bona memoria C. Papa  
prædecessor noster & nos etiam tibi dedi-  
mus in mandatis ut restitutione ejusdem  
monasterij provideres, tuo committentes  
arbitrio utrum predicti fratres sancti  
Abrahæ tolerandi, an monachi nigri es-  
sent in ipso monasterio reducendi. Tu ve-  
ro, sicut accepimus, fratres sancti Abra-

ham propter dissolutionem suam inde pe-  
nitius abjecisti, & nos per petitionem tuam  
duxisti super provisione ipsius monasterij  
requiriendos. Ideoque mandamus quatenus  
si per monachos Ecclesiam illam vide-  
ris reformari non posse, in ipsa Ecclesia  
Canonicos institutas regulares, qui secundum  
regulam beati Augustini devoutum ibi  
Domino famulatum impendant, & per  
eorum religionem locus ipse in melius tuo  
\* faciente reformatur.

#### TITULUS XXXVII.

Si regulares ad seculares Ecclesias possint  
in prælatos assumi.

*Idem Vbaldo plebano sancti Gavini.*

**Q**uod Dei timorem præ oculis ha-  
beas ex fructibus tuis colligitur evi-  
denter, cum opera quæ facis testimonium  
perhibeant veritati. Vnde tuum proposi-  
tum in Domino commendamus. Sanè,  
sicut jam dudum aribus nostris insonuit,  
quondam desiderans ad frugem vita me-  
lioris transire, officium plebani resignans,  
coram fratribus sancti Victoris Bononiensis  
promissionem de tua conversione feci-  
sti, neque professionem solemnam emit-  
tens, neque habitum religionis assumens.  
Sed nobilis vir Comes Albertus & parro-  
chiani plebis ejusdem attendentes te lau-  
dabiliter præfuisse, ac de recessu tuo ei-  
dem loco jacturam non modicam immine-  
re, desiderium tuum haçtenus retardarunt,  
à venerabili fratre nostro Florentino Epis-  
copo impetrantes ut ministrares ibidem.  
Hoc etiam dilectus filius noster P. basilicæ  
duodecim apostolorum Presbyter Cardi-  
nalialis, tunc apostolicae sedis Legatus, pen-  
sata utilitate plebis proponitur annuisse.  
quod jam dicti Comes & populus à nobis  
ratum haberi suppliciter postularunt; præ-  
sertim cum de licentia Prioris sancti Victo-  
ris Bononiensis dinoscari haçtenus id fe-  
cisse. Licet autem in Lateranensi Concilio  
de monachis caveatur ne singuli per villas  
& oppida seu per quascumque parochiales  
ponantur Ecclesias, sed in majori con-  
ventu aut cum aliquibus fratribus ma-  
neant, ne soli inter seculares homines spi-  
ritualium hostium conflictum expectent,  
Salomone dicente *Væ soli*, quia si cederit,  
non est qui sublevet eum, quia tamen iltud  
de Canonicis regularibus specialiter non  
cavetur, qui etsi à sanctorum monacho-  
rum consortio non putentur sejuncti, re-

Cap. 5. de fla-  
tu monach.

gulæ tamen inserviunt laxiori, & per anti-  
quos canones etiam monachi possunt ad  
parochialium Ecclesiarum regimen in  
Presbyteros ordinari, ex quo debent præ-  
dicationis officium, quod privilegium  
est, exercere, sic annuendum duximus  
postulatis, ut plebani exercens officium,  
si commodè fieri poterit, unum Canoni-  
cum regularem tecum habeas ad caute-  
lam, cuius in his quæ Dei sunt & regularis  
observantia tam confortio quam solatio  
perfruaris.

T I T U L U S   X X X V I I I .

Quod Canonici regulares ad religionem  
hospitaliorum transire non possint.

*Idem Ci. Lubuffensi Episcopo.*

**R**efere dico filio fratre V. hospi-  
taliario nostro est apostolatui reser-  
atum quod cùm à tempore juventutis suæ  
secundum institutiones Canonicorum re-  
gularium Auroviasensis Ecclesia beati  
Augustini regulam professus fuisset, & in  
ea ultra decennium permanens, sacros or-  
dines usque ad sacerdotium suscepisset, ju-  
ventute postmodum impellente, curiosi-  
tate potius quam religionis amore devi-  
etus, terram Hierosolymitanam & alias  
videre desiderans, ab Abbe suo non tam  
voluntariam sub eadem conditione licen-  
tiā obtinuit quam extortam ut si bona  
memoria Alexandrum Papam prædeces-  
sorem nostrum inveniret in viam, causam  
itineris sibi exponeret, & juxta mandatum  
vel procederet vel redire. Verum ipse ne-  
glecta conditione procedens suscepit habi-  
tum hospitalis, in cuius servitio usque ad  
hæc tempora fideliter laboravit. Sed cùm  
ordo præmissus districtoris sit observan-  
tia quam secundus, prudenter attendens  
quod de laxiore ascendendum sit ad ordi-  
nem arctiorem, non autem de arctiore ad  
laxiorem sit ratione aliqua descendendum,  
ad se Domino inspirante reversus, ad bo-  
num redire desiderat quod dimisit. Cùm  
itaque non mediocriter delinquit qui mi-  
nus bonum majori bono præponit, frater-  
nitati tuæ per apostolica scripta manda-  
mus quatinus inquisita super præmissis di-  
ligentiū veritate, si rem inveneris ita es-  
se, præfato fratri V. licentiam auctoritate  
apostolica præbeas ad primum ordinem  
redeundi.

T I T U L U S   X X X I X .

De voto & habitus susceptione.

*Idem Aconensi Episcopo.*

**S**icut nobis est ex parte tua proposi- Lib. 1. epist.  
tum, quidam clericus cùm ægritudine <sup>517</sup>.  
nimia laboraret, quasi de morte securus,  
& de recuperanda sospitate desperans,  
habitum Canonicorum regularium petuit  
& accepit, ea in susceptione habitus ex-  
primens ac promittens quæ solent in hu-  
jusmodi repromitti. Sed nec ad Ecclesiam  
transit, utpote infirmitate gravatus, nec  
bonis suis uti cessavit. Postmodum verò  
sospitate susceppta, post quindecim annos  
& ultrà, videntibus & scientibus venera-  
bili fratre nostro Archiepiscopo & dilecto  
filio Priore & Canonicis Ecclesiæ Nazare-  
nensis, à quibus habitum suscepserat regu-  
larem, tu, licet eo tempore quo habitum  
suscepserat, in Ecclesia Nazarena Prioris  
follicitudinem exerceres, immemor eo-  
rum quæ facta fuerant circa ipsum, in  
Aronensem eum Canonicum suscepisti.  
Quia verò quid super hoc facere debeas,  
per nostras expostulas literas edoceri, fra-  
ternitati tuæ duximus respondendum,  
quod si regularem habitum se postulante  
suscepit & ad observationem religionis ca-  
nonica sua se professione ligavit, ad resu-  
mendum habitum ecclesiasticæ est distri-  
ctione cogendus, cùm quod tanto tem-  
pore extra canonicam mansit, non in ex-  
cusationem ejus, sed in majoris transgres-  
sionis augmentum meritò valeat allegari.

*Idem Episcopo & Capitulo Tragurienfi.*

**S**icut tenor vestrarum literarum nobis Lib. 1. epist. 56.  
aperuit, cùm P. lator præsentium in  
sacerdotali esset officio constitutus, &  
tanta rerum temporalium indigentia labo-  
raret quod nec sibi nec suis progenitoribus  
seu fratribus in necessitatibus propriis pos-  
set aliquatenus providere, proprij corpo-  
ris laboribus & maris periculis multis se  
non dubitavit exponere, ut de suo labore  
& acquisitione honesta suam & suorum  
posset indigentiam relevare. Contigit au-  
tem post hæc quod ipse longè à vestra ci-  
vitate consistens tam gravi cœpit ægritu-  
dine laborare quod extra se positus despe-  
raret de vita præsenti, & cùm in tali esset  
articulo constitutus, à quodam simplici  
monacho induitus fuit habitu monachali,  
& ad monasterium deportatus. Deinde

F F f iij